

Ilinniagaqarnersiutit pillugit Namminersorlutik Oqartussat nalunaarutaat

Ilinniagaqarnersiutit pillugit Inatsisartut inatsisaat nr. 12, 22. november 2011-meersumi § 2, imm. 5, § 5, § 14, imm. 4, § 28, imm. 2, § 34, imm. 5 aamma § 35, imm. 2 aamma kalaallit ilinniagaqartut kattuffiannut tusarniaareernikkut aalajangerneqarpoq:

Kapitali 1

Nassuiaatit

§ 1. Ilinniagaqarnissamut piareersarluni ilinniarnertit tassaapput:

- 1) Ilinniagaqarnissamut piareersarluni ilinniarnertit meeqqat atuarfianni inaarutaasumik misilitsinnermit qaffasinnerusumik inissisimasut.
- 2) Ilinniarnertuunngorniarnertit, ilinnianertuunngorniarnertit ilassutitut ilinniarnertit aamma piareersarluni pikkorissarnertit.

§ 2. Inuussutissarsiutinut ilinniartitaanernut paasineqassaaq ilinniartitaaneq ilinniarnertit pineqartumi ilinniartitaanernut pilersaarut naapertorlugu ilinniagaq inuussutissarsiorsinnaanermut suliamik ilinniagaqarsimasutut pisinnaatitaaffiliisoq, nalinginnaasumillu ukiut marluk sinnerlugit sivilissuseqartoq. Inuussutissarsiutinut ilinniartitaanertut naatsutut paasineqassaaq inuussutissarsiutinut ilinniartitaaneq nalinginnaasumik ukiunik marlunnik imaluunniit taakkunannga sivilissuseqartoq, aammalu ilinniakkamut pineqartumut ilinniartitaanernut pilersaarutaasoq naapertorlugu suliamik ilinniagaqarsimasutut ilinniagaqarnertut naleqqatiginngisaa.

§ 3. Ingerlaqqiffiusumik ilinniarnertit tassaavoq ilinniarnertit ilinniarnertuunngorniarnertit ilinniarnertit angusisimanissamik piumasaqaateqarfiusoq, tassunga ilanngullugit ilinniarnertuunngorniarnertit ilinniarnertit immikkut aqqissuunneqartut imaluunniit inuussutissarsiutinut ilinniagaq.

§ 4. Timersornermut immikkut piginnaanillit timersortartutullu piukkunnassuseqartut tassaapput ilinniagaqartut Elite Sport Greenlandimit aammalu timersuutinut kattuffinnit innersuussutaareerlutik ilinniartitaanernut Naalakkersuisoqarfimmit timersornermut immikkut piginnaanillit timersortartutullu piukkunnassuseqartutut ilinniagaqartussatut akuerineqartut. Kalaallit Nunaanni Timersoqatigiit Kattuffiata timersuutit namminneq timersuutiminnut kattuffeqanngitsut sinniisuuffigisinnaavai.

§ 5. Iltersuisoq tassaavoq ilinniarnertit ilinniagaqarnertut iltersuisartoq, ilinniarnertit ilinniartitsisoq imaluunniit ilinniarnertit iltersuinermit suliaqartut allat, imaluunniit Danmarkimi Kalaallit Illuutaasa ilaanni ilinniagaqarnertut iltersuisartoq. Aammattaaq Ilinniagaqarnersiuteqarnertut Naalakkersuisoqarfik iltersuisartuusinnaavoq.

§ 6. Katissimasutut assingusumik inooqatigiinneq sivikinnerpaamik ukiumik ataatsimik sivilissuseqartoq najugaqarnermut uppersaatikkut uppersarneqartoq katissimanermut naligiissineqassaaq.

§ 7. Ilaqutariit qaniginnerpaasat tassaapput nammineq qitornarisat, katissimallugu aapparisaq, angajoqqaat, qatanngutit aamma aataakkut aanaakkulluunniit, imaluunniit inuit ilinniagaqartumut ilaqutariittut qanittutut inissisimanermikkut taakkununga nallersuunneqarsinnaasut.

Kapitali 2

Ataatsimut aalajangersakkat

Piumasaqaatit immikkut ittut

§ 8. Ilinniagaqarnerisuteqarnermut Naalakkersuisoqarfik tamassuminnga qinnuteqartoqareerneratigut danskisut innuttaassuseqarnissamik piumasaqaammit immikkut akuersisinnaavoq, takuuk ilinniagaqarnerisutit pillugit Inatsisartut inatsisaat, ilinniagaqarniartoq ilaqutariinnikkut Kalaallit Nunaannut immikkut attaveqarpat, assersuutigalugu katissimaneq aqutigalugu imaluunniit ilinniagaqarniartoq Kalaallit Nunaanni angajoqqaarpat.

§ 9. Ilinniagaqartut ilinniagaqarnermik unitsitsigallartut, tassunga ilanngullugit erninermut atatillugu ilinniarnermik unitsitsigallartut, ilinniagaqarnerisuteqarsinnaanngillat. Ilinniagaqartulli erninerminnut atatillugu sulinngiffeqartut immikkut tapiissutinik pisinnaatitaapput.

Imm. 2. Ilinniagaqartut qiortartakkamik imaluunniit aningaasanik ilinniarnermi tunniunneqartartunik atuiunnaarallartut piffissani taakkuninnga atuiunnaarallarfinninni immikkut tapiissutinik imaluunniit nunatta karsianit aningaasalersorneqartunik ilinniarnermi attartortakkanik pisartagaqarsinnaanngillat, takukkit kapitalit 6 aamma 7. Ilinniagaqarnerisuteqartunut qiortartakkanik imaluunniit aningaasanik ilinniarnermi tunniunneqartartunik nunguutsisimasunut tamanna aamma atuuppoq.

Imm.3. Ilinniagaqartunut Naalagaaffiup ilinniagaqarnerisuteqartitsineranit aningaasanik ilinniarnermi tunniunneqartartunik pisartagaqartunut, kapitali 6-imi immikkut tapiissutinik taaneqartunit tapiissuteqartitsisoqarsinnaavoq, taamaattoq § 52 naapertorlugu, ilinniagaqarnerisuteqarsinnaanermut piumasaqaatinik naammassinissimasunut, nalunaarut una naapertorlugu aammalu ilinniagaqarnerisutit pillugit Inatsisartut inatsisaat naapertorlugu.

Ilinniagaqarnermik ingerlatsineq

§ 10. Ilinniagaqarnermik ingerlatsineq imatut paasineqassaaq ilinniartup ilinniagaqarnerup ingerlanissaanut malittarisassat naapertorlugit ilinniarnermik aammalu misilitsinnernut soraarummeernernullu piumasarineqartunik malinninnera, suliassiissutinik tunniussisussaana, takkuttussaaitaanermik piumasaqaammik malinninnera il.il., imaluunniit misilitsinnerni soraarummeernernilu peqataannginnissamik nalunaarneq takkutinngitsoornerluunniit ilinniarfimmit akuerineqarpat.

Imm. 2. Ilinniagaqartoq uppersarneqartumik piffissami sivilissumi annertuumik napparsimasoq, ilinniagaqartutut isigineqartarpoq ilinniagaqartoq misilitsinnissamut soraarummeernissamullu nalunaarutigineqarpat.

Imm. 3. Ilinniagaqarnermi ilinniarfimmuut pinngitsoorani takkuttariaqarfiumngitsumi ilinniarnermi ilinniartoq qaammatit aqqaneq marluk sinnerlugit kinguaattoorsimanngippat ilinniagaqartutut isigineqassaaq. Aningaasat ilinniarnermi tunniunneqartartut imaluunniit qiortartakkat ilinniagaqarnermut atatillugu tunniunneqarsimasut akornanni assigiinngissutaasoq kinguaattoorneruvoq, taamatullu

ilinniagaqarnermut maleruagassat atuuttut najoqqutaralugit ilinniagaqarnermi siuariartorneq qaammatinut uuttorneqartarluni, taamaattorli tak. § 57, imm. 3, oqaaseqatigiit aappaat. Ilinniagaqartup ilinniarnini qaammatini aalajangersimasuni amerlassusilinni aningaasat ilinniarnermi tunniunneqartartunik pisarnissamut qiortartakkanillu pissarsisinnaatitaalluni sivitsorsimappagu aningaasat ilinniarnermi tunniunneqarsimasut imaluunniit qiortartakkat atorneqarsimasut aningaasat ilinniarnermi tunniunneqarsimasunik imaluunniit qiortartakkanik atugaasimasunik naatsorsuinnermut ilanngunneqassanngillat.

Imm. 4. Imm. 1-2-mi aalajangersakkat timersornermut immikkut piginnaanilinnut timersortartutullu piukkunnassuseqartunut atuutinngillat. Ilinniagaqartoq timersornermut immikkut piginnaanilinnut timersortartutullu piukkunnassuseqartunut piumasaqaatinik aalajangersakkanik naammassinnissinnaajunnaarpat Elite Sport Greenlandip ingerlaannaq Ilinniagaqarner siuteqarnermut Naalakkersuisoqarfik nalunaarfigissavaa.

Imm. 5. § 19 malillugu ilinniagaqartoq kandidatinnigorniarnermi sulii qiuqassaqarpat, imm. 2, oqaaseqatigiit siullianni qaammatit aqqaneq marluk pillugit aalajangersakkamit Ilinniagaqarner siuteqarnermut Naalakkersuisoqarfik taassuminnga qinnuteqartoqareerneratigut immikkut akuersisinnaavoq, ilinniagaqartullu ilinniarnermik ingerlatsinera ilinniarfiup uppersarsassavaa.

§ 11. Ilinniagaqartup ilinniarnernimik ingerlatsinera ilinniarfiup aamma Kalaallit Illuutaasa ingerlaavartumik nakkutigalugulu ilinniagaqartup ingerlatsinera pillugu aalajangiisarput, ilinniagaqartup ilinniarnermik ingerlatsinera pillugu § 10 naapertorlugu piumasarineqartunik naammassinninnersoq pillugu.

Kapitali 3

Ilinniagaqarner siutit suuner annertussusaallu

Suuner annertussusaallu

§ 12. Ukununga aningaasanik ilinniarnermi aningaasanut inatsimmi annertussutsit aalajangersarneqarsimasut naapertorlugit tunniussisoqartarpoq:

- 1) Ilinniagaqarnissamut piareersaataasumik Kalaallit Nunaanni ilinniagaqartunut 18-it inorlugit ukiulinnut.
- 2) Ilinniagaqarnissamut piareersaataasumik Kalaallit Nunaanni ilinniagaqartunut 18-ileereersimasunut.
- 3) Kalaallit Nunaanni inuussutissarsiutinut ilinniagaqartunut sulisitsisumit aningaasarsiaqartinneqanngitsunut, tamatumani aamma sulisitsisup ilinniartumik soraarsitsinerani, soraarsitsineq ilinniartumut tutsinneqarsinnaanngippat, tak. imm. 2.
- 4) Kalaallit Nunaanni ingerlaqqiffiusumik ilinniagaqartunut.
- 5) Kalaallit Nunaata Danmarkillu avataanni ilinniarfinni ilinniagaqartunut.
- 6) Danmarkimi ilinniarfinni 20-it inorlugit ukiulinnut ilinniarnertuunngorniarni aamma inuussutissarsiutinut ilinniartitaanerni ilinniagaqartunut.
- 7) Danmarkimi ilinniarnertuunngorniarni ilassutitut ilinniarni § 15 naapertorlugu ilinniagaqartunut.
- 8) Inuussutissarsiutinut Danmark-imi ilinniagaqartunut, tunngaviusumik ilinniakkamik ingerlatsinermik qaammatit marluk angullugit sivissusilimmik naammassinnereernerminni sungiusaammik suliffissarsinissamik imaluunniit ilinniarfinni sungiusaammik ingerlatsinissamut utaqqisunut.
- 9) Ilinniagaqartut ilinniarnermik Majoriami ingerlatsisut.
- 10) Ilinniagaqartut Danmark-imi immikkut ittumik atugassarititaasut naapertorlugit ilinniartuusut.

Imm. 2. Soraarsitsineq ilinniartumut tutsinneqarsinnaanngilaq, taanna:

1) soraarsitsineq piviusorsiortumik tunngavilersugaanngippat, imaluunniit inatsisitigut tunngavissanik pingaaruteqartunik amigaateqarpat, imaluunniit

2) soraarsitsineq sungiusaammik suliffusup aningaasaqarnikkut atugaanik tunngaveqartinneqarpat, tamatumani aamma akiliisinnaajunnaarnermik.

Imm. 3. Ilinniagaqartunut ilinniarnerninnut atatillugu akeqanngitsumik nerisaqartitaallutillu najugaqartitaasunut aningaasat ilinniarnermi tunniunneqartartuniit akiliutitut nerisaqarnermut najugaqarnermullu ilannganneqartassapput, ilinniagaqartoq kollegiani najugaqanngippat 18-inillu inorlugit ukioqanngippat.

Imm. 4. Kalaallit Nunaanni ilinniagaqarnissamut piareersaataasumik ilinniagaqartut 18-it inorlugit ukiullit illoqarfigisap avataani kollegiani najugaqartut nerisaqarnissamulli periarfissaqanngitsut ullormulluunniit ataasiaannarlutik nerisaqartinneqarsinnaasut nerisassanut tapiiffigineqartarput.

Imm. 5. Ilinniagaqartoq imm. 1-imi pineqartut arlaanni allatut inissisimalerpat aningaasat ilinniarnermi tunniunneqartartut annertussusiat allanngortinneqassaaq piffissamit qinnuteqarfiusumiit, taamaattorli ulloq inissisimaffiup allanngorfia siusinnerpaamik aallarnerfigalugu.

Meeqqanut tapit

§ 13. Ilinniagaqartoq meeqqanut 18-it inorlugit ukiulinnut pilersuisussaataappat imaluunniit akilersuisussaataappat meeqqanut ataasiakkaanut tamanut tapiissuteqartoqassaaq (meeqqanut tapit), ilinniagaqartoq Kalaallit Nunaanni Namminersorlutik Oqartussanit aningaasanik ilinniarnermi tunniunneqartartunik pisartagaqarpat, taamaattoq § 59 naapertorlugu. Tamanna aamma atuuppoq ilinniagaqartoq ilinniagaqarnermini akissarsiaqarpat inuussutissarsiutinut ilinniartitaanermik ingerlataqarnini pissutigalugu, sulisitsisualu tamatumunnga atatillugu ilinniagaqarnerisiutinik pisartagaqarpat, akissarsiaritinneqartunut tapiissutisiatut, lærlingimik inuussutissarsiutinut tunngaviumik ilinniartitaanernut, pikkorissartitsisarnernullu Inatsisartut inatsisaat naapertorlugu imaluunniit lærlinginut, Kalaallit Nunaanni sungiusaammik suliffeqartartunut Danmark-imilu atuarnerninnik ingerlatsisartunut tunngatillugu.

Imm. 2 Meeraq Kalaallit Nunaanni najugaqarpat akilersuutip nalinginnaasup assinganik tapiissuteqartoqassaaq. Meeraq Danmarkimi najugaqarpat Danmarkimi akilersuutip nalinginnaasup assinganik tapiissuteqartoqassaaq. Meeraq Kalaallit Nunaanni imaluunniit Danmarkimi najugaqanngippat Kalaallit Nunaanni akilersuutip nalinginnaasup assinganik tapiissuteqartoqassaaq.

Imm. 3. Ilinniagaqartup meeraq najugaqatiginngippagu meeqqanut tapeq pilersuisuusumut akilerneqartassaaq.

Imm. 4. Ilinniagaqartup meeraq pisortanit tamakkiisumik pilersorneqarpata ilinniartumut meeqqanut tapiissuteqartoqassanngilaq.

Imm. 5. Ilinniagaqartup piffissani qiortartakkanik atugaqannginnissamik aalajangiiffigisaani ilinniagaqartumut meeqqanut tapermik tapiissuteqartitsisoqassanngilaq, tak. § 55.

Ilinniagaqarnermut akiliut misilitsinnermullu akiliut

§ 14. Ilinniakkani ilinniagaqarnerisiuteqarfiusinnaasutut akuerisaasumi ilinniarnermi akiliutit aamma misilitsinnermut akiliut tamakkiisumik matussuserneqassapput, taamaattorli takukkit imm. 2 aamma 3:

- 1) ilinniagaq assingusooq ilinniarnermi akiliutinik akiliuteqarnani malittarineqarsinnaanngippat, aamma
- 2) aningaasartuutit pisortat oqartussaasuinit allanit akilerneqarsinnaanngippata.

Imm. 2. Ilinniagaqarnersiuteqarnermut Naalakkersuisoqarfik ilinniakkani aalajangersimasuni ilinniartitaanermut akiliutissat pissutsit immikkut illuinnartut atuutsillugit ilaannakortumik matussuserneqarnissaannik aalajangiussaqaarsinnaavoq, tassungalu ilanngullugu:

- 1) ilinniakkamut pineqartumut Kalaallit Nunaat ilinniagaqarsimasunik pisariaqartitsippat,
- 2) allanit aningaasaleeqataanissaq pillugu isumaqatigiissuteqartoqarpat, imaluunniit
- 3) ilinniakkamut assigisaanut ilinniagaqarnersiuteqarfusinnaasutut akuerisaasumi ilinniarteq tiguneqaarsinnaanngippat.

Imm. 3. Ilinniagaqartoq suli qiugassaqaqpat ingerlaqqiffiusumik ilinniarnerni ilinniarnermut akiliutit taamaallaat matussuserneqaarsinnaapput.

Imm. 4. Kalaallit Nunaata avataani ilinniagaqarnermi ilinniarnermut akiliutinut annerpaamik kr. 60.000-inik tapiisoqaarsinnaavoq. Ilinniagaqartunut ilinniagaqarnerup ingerlanerani immikkut qaffasissuseqartumik piginnaaneqarnermik takutitsisimasunut, tassunga ilanngullugit angusat - karakterit – aammalu piffissaq angusaqarnermut atorneqartoq eqqarsaatigalugit amerlassusilerneqareersup iluanni imm. 1-imi pineqareersut saniatigut aningaasartuutitut matussutissiisoqaarsinnaavoq, nunarsuarmit ilinniarniini pitsaasumik tusaamasaasunut tiguneqarnermut atatillugu. Ilinniagaqarnersiuteqarnermut Naalakkersuisoqarfik tullerriaarisarnermut piumasaqaatinik pisariaqarpallu immikkut atugassarititaasunik aalajangersaasiinnaavoq, "www.sunngu.gl"-imi tamanut takusassiarineqartussanik.

Imm. 5. Ilinniakkanut sorlernut ilinniartitaanermut akiliutit taamaallaat ilaannakortumik matussuserneqartarneri ilinniakkanilu ataasiakkaani ilinniarnermut akiliutit matussuserneqar-tut qanoq annertutigineri pillugit "www.sunngu.gl"-imi tamanut saqqummiussisoqartarpoq.

Kapitali 4

Ilinniakkat assigiinngitsut

Ilinniagaqarnissamut piareersarluni ilinniarnertit

§ 15. Ingerlaqqiffiusumik ilinniagaqalernissamut ilinniarnertuunngorniarfimmi ilinniartitsissutit ataasiakkaat qaffasinnerunissaat pisariaqarpat, ilinniarnertuunngorniarfimmi ilassutaasumik ilinniarnertit tapiiffigineqaarsinnaapput, ilinniartitsissutit ataasiakkaat ilinniartitsissutiginerisa malinnaaviginissaannik ilinniarnermut ilitsersuisumit ilinniagaqartoq ilitsersorneqaarsimappat.

Imm. 2. Ilinniarnertuunngorniarfimmi ilassutaasumik ilinniarnertit tapiiffigineqaarsinnaanngillat, ilinniagaqartoq ilinniartitsissutini soraarummeernermi 7-skala malillugu 02-mik qaangerluguluunniit karaktereqarpat, ilinniagassatut kissaatigisami ilinniartunngortinneqarnissamut qaffasinnerusumik karaktereqarnissaq qaffasissuserluunniit qaffasinnerusooq piumasaqaataanngippat.

Imm. 3. Taamaallaat ilinniartitsissummut ataatsimut ataasiaannarluni ilinniagaqarnersiuteqartitsisoqaarsinnaavoq.

Inuutissarsiutinut ilinniarnertit

§ 16. Inuussutissarsiutinut tunngaviusumik ilinniartitaanernut naammassisanut taamaallaat amerlanerpaamik marlunnut, suliamik ilinniagaqarsimasutut qaffasissuseqartunut ilinniagaqarnersiuteqartitsisoqaarsinnaavoq. Taamaakkaluartorli ilinniarnermut saniatigut ataatsimut, suliamik ilinniagaqarsimasutut qaffasissuseqartumut qaffasinnerusumulluunniit aamma ilinniagaqarnersiuteqartitsisoqaarsinnaavoq, tamatumani uku naammassineqaarsinnaatillugit:

- 1) Ilinniarnermut pineqartumut ilinniartunngortinneqaarsinnaanissamut piumasaqaatigineqarpat suliamik

ilinniagaqarsimasutut qaffasitsigisumik ilinniagaqarsimasooereernissaq.

2) Ilinniartitaaneq siusinnerusukkut ilinniagarisimasamut pissusissaatut nangitsineruppat, imaluunniit

3) Ilinniagaqaqqinnissaq pisariaqarsimappat inuussutissarsiutigerrikkami sulisinnaanginneq pissutigalugu allamik ilinniartariaqarnermik.

Imm. 2. Ilinniagaqartoq suliamik ilinniarsimasutut qaffasissuseqartumik imaluunniit qaangerlugu ilinniagaqarsimasooq ilinniakkamut suliamik ilinniarsimasutut qaffasissutsip ataaniittumut ilinniagaqarnerisutiniq pissarsisinnaangilaq.

Imm. 3. Ilinniagaqarnerisuteqarnermut Naalakkersuisoqarfik imm. 1-imut aamma 2-mut pissutsit immikkut ittut apequtaatillugit immikkut akuersissuteqarsinnaavoq, tassunga ilanngullugit:

1) Ilinniagaqartup suliffeqarnissamut periarfissai killeqarpata, imaluunniit

2) ilinniakkamik qinnuteqarfiusumik ilinniarsimasunik Kalaallit Nunaat immikkut ittumik pisariaqartitsippat.

§ 17. Ilinniagaqarnerisuteqartitsisoqarsinnaangilaq ukiut kingulliit tallimat ingerlanerini, ilinniarnernup aallartinneraniit Danmarkimi inuussutissarsiutinut ilinniartitaanermik ataaseq sinnerlugu unitsitsisimasumut.

Imm. 2. Imm. 1 malillugu unitsitsinermit naatsorsuunneqanngillat sungiusaammik suliffissamik pissarsisimannginneq, tassunga ilanngullugit naartunermi ernereernermilu ilinniannigffeqarallarneq uppersaateqarlunilu napparsimalluni peqannginneq pissutigalugit ilinniartitaanermik unitsitsigallarnert.

Imm. 3. Ilinniartup inassutigippagu ilinniagaqartup ilinniagassaq qinnutigisani naammassisinnaassagaa, ilinniagaqarnerisuteqarnermut Naalakkersuisoqarfup tamatumunnga qinnuteqartoqarnera naapertorlugu imm. 1-imik saneqqutsisinnaaneq akuersissuteqarfigisinnaavaa, pissutsit immikkut ittut tamanna aqqutissiuunneqarsinnaatippassuk, tamatumani aamma:

1) ilinniartup suliffeqarnissamut periarfissai killeqarpata, imaluunniit

2) Kalaallit Nunaat ilinniarniakkamut qinnuteqarfiusumut ilinniarsimasunik immikkut ittumik pisariaqartitsippat, imaluunniit

3) unitsitsineq piffissap misiliinerup nalaani pippat.

Ingerlaqqiffiusumik ilinniarnert

§ 18. Qiortartakkap iluani qiortartakkanik katillugit 82-inik (killissarititaq) tunisisoqarsinnaavoq, taamaattoorli takukkit §§ 21-24.

Imm. 2. Ilinniagaqarnermut qiortartakkamik aqqissuussinermit ilaasumut annerpaamik killissarititap aammalu qiortakkat atoreersimasat assigiinngissusaata amerlaqataanik qiugassanik tunniussisoqarsinnaavoq.

Imm. 3. Qiorsinerup ataatsip annertussuseraa qaammammut ataatsimut aningaasat ilinniarnermi tunniunneqartartut meeqqanullu tapiutaasinnaasut, tak. § 27.

Imm. 4. Ilinniagaqartumut ingerlaqqiffiusumik ilinniarnermik atuagarsornermik aningaasarsiaqarfigisamillu ilinniarnermut atatillugu suliffimmiinnermi sinnerseraaffiusumik naammassisaqarsimasumut, ilinniarnermi atuagarsornermut atugassat sinnerlugit qiugarisimasinnaasanik ilallugit ilinniagaqarfigisassatut atugassat assinginik qiugassanik killissarititamini ilanngaavigineqassaaq. Ilinniagaqartoq ilinniarnermi atuagarsornertut atugassarisap assinganut qiugassanik ikinnerusunik atugaqarsimaguni killissarititamini qiugassanik ilinniagaqarfigisassatut atugassat assinginik

atorneqanngitsunik ilanngaavigineqassaaq. Ilinniarnerni taama ittuni unitsitsinermi taamaallaat qiugassanik tunniunneqareersimasunik killissarititaq ilanngaavigineqassaaq.

§ 19. Ilinniartitaanernut ataasiakkaanut piffissamut ilinniagaqarfiusussamut qaammatinut naatsorsorlugit qiugassanik tunisisoqassaaq, qiugassat 12-it tapiliutigineqarlutik (ilinniagaqarnersiuteqarsinnaanermi piffissaq), taamaattorli takukkit § 21, imm. 5 aamma §§ 22-24.

Imm. 2. Ilinniagaq ilinniagaqarnersiuteqarsinnaanermi piffissamut atatillugu bachelorinnngornissamut aamma kandidatinnngornissamut immikkoortoqarpat ilinniarnertut marluusutut naatsorsuutigineqartarpoq. Ilinniarneq bachelorinnngornissamut aamma kandidatinnngornissamut immikkoortoqarpat immikkoortunut tamanut qiugassat 12-it tapiliutigineqassapput, tamakkiisumilli killissarititap assigisaanik qiugassanik tunisisoqarsinnaavoq, taamaattoq § 21, imm. 1, oqaaseqatigiit siulliit naapertorlugit.

Imm. 3. Ingerlaqqiffiusumik ilinniarnerni atuagarsornermik aningaasarsiaqarfigisamillu ilinniarnermik paarlakaaffiusunut atatillugu ilinniartitaanermut ilinniarnernup atuagarsorfiunissaanut assingusumik, qaammatinut naatsorsukkamik, qiugassanik 12-it tikillugit tapiliutigineqartumik piffissaq tapiiffigineqarnek annertussuseqarpoq.

Imm. 4. Siusinnerusukkut ilinniagarisimasamit ingerlaqqilluni kingusinnerusukkut aallartinneqartumut naleqqiullugu ilinniakkami piginnaanernik pissarsiaqartoqarsimappat, ilinniakkami aallartinneqartumi tapiissuteqarnermi piffissami ilinniakkami pineqartumi piginnaaneqassutsit pissarsiarineqarfiini qaammatit amerlaqataannik qiortagassanik ilanngaasoqassaaq.

§ 20. Ilinniarnernut ataasiakkaanut atatillugu atuannigiffeqarnermi akiliunneqarluni angalasoqarsinnaavoq, angalanissamut atasumik akiliunneqarluni angalasinnaanissamut piumasaqaatit naammassineqarsimappata, §§ 37-39 naapertorlugit.

Imm. 2. Atuannigiffeqarnermi akiliunneqarluni angalasoqarsinnaavoq, takuuk § 37, aatsaat ilinniagaqartoq:

- 1) piffissap qinnuteqarfigisap nalaani qiortartakkanik pissarsisarpap, aamma
- 2) ukiumi ilinniagaqarnersiuteqarfimmi 1. april killigalugu minnerpaamik piffissami tapiiffisineqarfissami qiugassanik ikinnerpaamik arfineq marlunnik sinneqarpat.

Imm. 3. Juullimut ilinniagaqanngiffeqarnermut atatillugu, § 39 naapertorlugu, akiliunneqarluni aatsaat angalasoqarsinnaavoq ilinniagaqartoq:

- 1) piffissami qinnuteqarfigisap nalaani qiortartagassanik pissarsisarpap, aamma
- 2) ukiumi tapiiffigineqarfimmi 1. november killigalugu qiugassanik minnerpaamik arfineq-marlunnik sinneqarpat.

§ 21. Piffissap ilinniagaqarfiusussap, tak. § 18, imm. 1, tassunga ilanngullugit bacheloritut kandidatitullu ilinniarnernit imaluunniit ilinniarnernit assingusut, katillugit qaammatit 60-it sinnerpagit killissarititaq naapertuuttumik sivitsorneqarsinnaavoq. Ilinniakkamik taamatut ittumik ilinniartuq unitsitsippat killissarisap sivitsorneqarnissaa atorunnaarsinneqassaaq.

Imm. 2. Ilinniagaqartup qiugassanik aalajangersimasunik ilinniagaqarnersiuteqarnini sivitsorsimappagu, tak. § 18, imm. 1, taassuma assinganik qiortartakkamut killissarititaq sivitsorneqassaaq. Ilinniagaqartoq ilinniarnermik ilinniagaqarnersiuteqarfigisamik sivitsuivigisamik unitsitsiguni killissarititami sivitsuinermi atunngisat assigisaannik qiortartakkat ilanngaavigineqassapput. Ilinniagaqartoq ilinniagarereersimasat ilanngunneqarnerisa nassatarisaannik piffissaq ilinniagaqarnersiuteqarfik sivikillineqarsimappat, tak. § 19, imm. 4, killissarititaasumik sivikillisaasoqassanngilaq, tak. § 18, imm. 1.

Imm. 3. Ilinniartooq nappaateqarneq uppersarsaavigineqartoq imaluunniit pissutsinik immikkut ittunik allanik pissuteqarluni ilinniakkaminik naammassinnissinnaanngippat, taamaattumillu ilinniarnermik nutaamik aallartitsilluni killissarititap sivitsorneqarnissaa qiuqassanik amerlanernik ilinniagaqarnersiuteqarnermut Naalakkersuisoqarfik tamatuminnga qinnuteqartoqarneratigut tunisisinnaavoq, tak. § 18, imm. 1. Killissarititami qiuqassanik qanoq amerlatigisunik sivitsuisoqarnissaa ilinniagaqarnersiuteqarnermut Naalakkersuisoqarfiup aalajangissavaa.

Imm. 4. Ilinniagaqartoq ingerlaqqiffiusumik ilinniarnermut Naalagaaffiup ilinniagaqarnersiuteqartitsineranit aningaasanik ilinniarnermi tunniunneqartartunik pissarsisimappat, killissarititap, tak. § 18, imm. 1, qaammatinik SU-mit pissarsianik ilanngaavigineqassaaq.

Imm. 5. Ilinniagaqartut ilinniarnermut nangitsiviusumut, qiortartakkanik atuiffiusumut, unitsitseqqaaratik ingerlaqqittut ilinniakkamut nutaamut tiguneqarnerup uppersarsaavigineratigut ilinniagaqarnerup aallartinneqartup piffissarititaa tapiissuteqarfiusoq aallartiffigalugu qiortartakkanik marlunnik tapiiffigineqarsinnaapput. Qiortartakkat nunguppata ingerlaqqilluni ilinniarnermi piffissamit tapiiffiusumit qiortagassat tiguneqassapput. Ilinniakkat taakku marluk akornanni piffissami qiortartakkat tunniunneqassapput, piumasaqaataasinnaallunilu utertillu-git akilernerneqarnissaat, tamatumani ilinniagaqartoq qaavatigut ilinniagarisassaminik aallartitsinngippat.

Imm. 6. Ilinniagaqartoq eqqumiitsuliornermi, nipilersornermi kulturikkullu allatigut ingerlatsiviusumi ilinniagaqarnikoq ilinniarnernup naammassinerata kingorna ukioq ataaseq qaangiuttoq ilinniagaqarfigisamini suliffeqalinngippat ilinniakkap allap tamassuma kingorna ilinniagaqartup aallartitaata naammassineqarnissaa siunertaralugu tamassuminnga qinnuteqartoqarneratigut killissarititap ilaneqarsinnaavoq.

§ 22. Ilinniagaqartoq meerartaarnerminut imaluunniit qitornavissiartaarnerminut atatillugu ilinniagaqarnersiutiminut qiortartakkamik tapiliussamik pisinnaatitaaffeqarpoq, tamatumani ilinniagaqartup meeraq najugaqatigippagu aammalu ilinniakkaminik unitsitsigallarsimannikkuni. Ernineq qitornavissiartaarnerluunniit pippat ilinniagaqartup ilinniarnini naammassiniarlugu sungiusarluni sulinerani qiortartakkamik immikkut tunniussisoqassanngilaq.

Imm. 2. Anaanaasoq qiortartakkanik 12-nik tapiliutinik pisinnaatitaavoq.

Imm. 3. Ataataasoq qiortartakkanik 6-nik tapiliutinik pisinnaatitaavoq.

§ 23. Elite Sport Greenlandimit innersuunneqarluni ilinniagaqarnersiuteqarnermut Naalakkersuisoqarfimmit timersornermut immikkut piginnaanillit timersortartutullu piukkunnassuseqartut ilinniarnernup aallartinneranit akuerisaasut ilinniarnernullu ingerlaneramik immikkut ittumik aaqqissuussamik ilinniagaqarnersiuteqarnermut Naalakkersuisoqarfimmit akuerisaasumik ingerlataqartut piffissamut ilinniagaqarnersiuteqarfiusumut qiortartakkanik saniatigut tunineqarsinnaapput.

Imm. 2. Ilinniarnernup immikkut ittumik aaqqissuussap sivilissusissaatut ilimagineqartoq tunngavigalugu saniatigut qiortartakkanik qanoq amerlatigisunik tunisisoqarnissaa ilinniagaqarnersiuteqarnermut Naalakkersuisoqarfiup aalangiiffigissavaa.

§ 24. Ilinniagaqartoq tamanna pillugu qinnuteqareerneratigut piffissamut ilinniagaqarnersiuteqarfimmut tapiliutitut qiortartagassanik saniatigut 12-it tikillugit tunineqarsinnaavoq ilinniagaqartoq ilinniakkamini kinguaattoorsimappat, makkuninnga uppersarsarneqarsinnaasunik pissuteqarluni:

1) ilinniarfiup aqutsisoqarfiani, ilinniagaqartut siunnersuisoqatigiiviini ilinniarfimmullu atasunut peqatigiiffinnut assingusunut peqataappat,

- 2) ilinniagaqartut inuttut imaluunniit ilinniagaqarnikkut atugarisaannut atatillugu suliaqarpat, imaluunniit
3) nammineq imaluunniit qaniginerpaasat nappaateqarnerinik toqunerannilluunniit pissuteqarpat.

Imm. 2. Ilinniagaqarnersiuteqartitaanermut piffissarisap iluani kinguaattoorneq pisimassaaq.

Ilinniagaqartup ilinniarnernini qaammatit kinguaattoorfigisaasa qiortartakkat amerlaqatigai.

§ 25. Ilinniagaqartoq qiortagassat pinnginnissaanik qinigaqarsinnaavoq, takuuk § 55. Qiortagassat pinnginnissaat killissarititamik imaluunniit piffissamik tapiissuteqarfimmik allannguinermik nassataqassanngillat. Qiortagassat pinngitsuugassatut qinikkat ilinniagarisamut atorneqarsinnaapput, kingusinnerusukkullu qaammammut ataatsimut qiortartakkat ataatsimik ilallugit tunniunneqarsinnaallutik (marlunnik qiortagaqarneq).

Timersornermut immikkut piginnaanillit timersortartutullu piukkunnassuseqartunut ilinniartitsinerit immikkut aaqqissuussat

§ 26. Timersornermut immikkut piginnaanillit timersortartutullu piukkunnassuseqartut ilinniartitsinerit immikkut aaqqissuussani ilinniagaqarnersiuteqarsinnaapput, timersornermut immikkut piginnaanillit timersortartutullu piukkunnassuseqartut timersornertik pissutigalugu taperneqarsinnaasunik ilinniarnernik naammassinninnissamut periarfissaqanngippata.

Imm. 2. Timersornermut immikkut piginnaanillit timersortartutulluunniit piukkunnassuseqartut ilinniagaqarnerat imatut katiterneqassaaq timersorneq ilinniagaqarnerlu katillutik tamakkiisumik piffissaq tamaat ilinniarnertut annertussuseqarlutik. Ingerlatsineq Elite Sport Greenlandimii inassuteqaateqartoqareerneratigut Ilinniagaqarnersiuteqarnermut Naalakkersuisoqarfimmit akuerineqassaaq.

Kapitali 5

Aningaasat ilinniarnermi tunniunneqartartut meeqqanullu tapisiat naatsorsorneqartarnerat

§ 27. Ilinniakkanut qiortartakkanut ilaanngitsunut aningaasat ilinniarnermi tunniunneqartartut meeqqanullu tapisiat qaammatikkaartumik naatsorsorneqartarput. Ilinniagaqarnerup aallartinnerani, naammassinnerani, unitsinnerani aamma unitsikkallarnerani aningaasat ilinniarnermi tunniunneqartartut meeqqanullu tapisiat ullormut ilinniarfigisamut naatsorsorneqartarput. Ullormik aallartiffimmik naatsorsuinnermi pisariaqartitanik piffissat angalaffiit najugaqarfilla ilanngunneqassapput. Ilinniarfiup sungiusaammillu suliffiup akornanni paarlaassinnermi atuarfimiinnermi ullut ilinniartitsiffusut ataasiakkaarlugit aningaasat ilinniarnermi tunniunneqartartut naatsorsorneqartarput.

Imm. 2. Tamatumunnga allaganngorlugu qinnuteqaatip tiguneranit ullormit aallartittumit aningaasat ilinniarnermi tunniunneqartartut meeqqanullu tapit tunniunneqartarput. Meeraq tapisiaqarfiup nalaani inunngorpat meeqqanut tapisiat piffissamit inunngorfusumit tunniunneqassapput ilinniagaqartoq meeqqanut tapisiat pillugit qinnuteqaammik piffissamit inunngorfusumit qaammatit marluk qaangiutinnginnerini nassitsisimappat.

Imm. 3. Aningaasat ilinniarnermi tunniunneqartartut meeqqanullu tapisiat qaammatikkaartumik kingumoortumik tunniunneqartarput, qaammammiillu qinnuteqaatip tiguneqarfianit siusinnerpaamik aallartissinnaallutik, aammalu nalunaarummi ilinniagaqarnersiuteqarnissamut piumasaqaatinik ilinniagaqartup eqquutsitsinera apeqquataatinneqarluni.

Imm. 4. Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnersiutininik pisinnaatitaaffeerunnerani aningaasat ilinniarnermi tunniunneqartartut meeqqanullu tapisiat

tunniunneqarunnaassapput. Ilinniagaqartup piffissami ilinniagaqaqqilerfianit akiliisarneq aallarteqqinneqassaaq.

Imm. 5. Ilinniagaqartup takkutinngitsoornerata malitsigisaanik aningaasat ilinniarnermi tunniunneqartartut aamma meeqqanut tapisiat annertussusaannik annikillisaasoqarsinnaanngilaq, takujulli § 29.

§ 28. Ilinniakkanut qiortartakkamut ilaasunut qaammatit ilivitsukkaarlugit qiortartakkat naatsorsorneqartarput.

Imm. 2. Ilinniagaqartoq ilinniarnermi aallartinnerani ilinniagaqartuunerullu nalaani qiortartakkanik pisinnaatinneqassaaq ilinniagaqartoq qaammatip akiliiffusussap ulluisa 15-iat killigalugu ilinniagaqalersuusimaguni. Ilinniagaqartoq ilinniarnernup aallartinnerani ilinniagaqalernera qaammatip akiliiffusussap ulluisa 15-iat qaangiutereersoq ilinniagaqalersuusimaguni allakkatigut qinnuteqaateqarnermigut qiortartakkani ataatsimik siuartitsivigisinnaavaa, taannalu ilutigalugu killissarititaasunit ilinniagaqarner siuteqarfusinnaasumiillu ilanngaatinneqassalluni. Ilinniagaqartoq ilinniagaqarnerminik aallartitsinerminut naammassinninnerminullu atatillugu ilinniagaqartuusimanerani aalajangiiniarnermi naatsorsuutigineqassapput piffissat angalaffullutillu akunniffusarsimasut, ilitersorneqarnermik ingerlassat ilinniarnernup aallartinnerani pisut ilanngullugit.

Imm. 3. Qiortartakkat qaammatikkaartumik akilerneqartarput, ilinniagaqarner siuteqarnissamillu qinnuteqaammik qaammammi tigusiiffimmit aallartinneqartarlutik, aammalu nalunaarut malillugu ilinniagaqarner siuteqarnissamut piumasaqaatinik ilinniagaqartoq naammassinnissimassalluni. Taamaattoq meeqqanut tapiissutit erninerup nalaanit tunniunneqarsinnaalertarput, tamatumani ilinniartog ernereerermi kingorna kingusinnerpaamik qaammatit marluk qaangiutinnginneranni meeqqamut tapiissutisiaqarnissamik qinnuteqaateqarpat.

Imm. 4. Ilinniagaqartup piffissamit ilinniagaqarunnaarfisigaanik taamaalillunilu ilinniagaqarner siuteqarnissamik pisinnaatitaaffeerunneranit qiortartakkat tunniunneqartarunnaassapput. Piffissaq taanna qaammammi ullut 15-iisa kingornaniippat qiortartakkanik akiliisarneq qaammammi tullinnguuttumi unitsinneqassaaq.

Imm. 5. Ilinniagaqartup piffissami ilinniagaqaqqilerfianit qiortartakkanik akiliisarneq aallarteqqinneqassaaq. Piffissaq taanna qaammammi ullut 15-iisa kingornaniippat qaammatip tullianiit qiortartakkanik akiliisoqaqqittalissaaq.

Imm. 6. Ilinniagaqartup takkutinngitsoornerata malitsigisaanik aningaasat ilinniarnermi tunniunneqartartut qaammatikkaartut aamma meeqqanut tapisiat annertussusaannik, qiortartakkap annertussuseqataanik, annikillisaasoqarsinnaanngilaq, takujulli § 29.

§ 29. Kommunalbestyrelsi kommunimi Majoriami ilinniartunut atatillugu aningaasanik ilinniarnermi tunniunneqartartunik annikillilerisinnaavoq, tak. imm. 2, tamatumani pineqartoq ilinniartitsinissanut aalajangersakkanut imaluunniit sungiusaammik suliffusunut, ilinniartup akuerisimanngisaanik orniguttanngippat imaluunniit kingusinaarluni orniguttarpat.

Imm. 2. Aningaasanik ilinniarnermi tunniunneqartartunik imm. 1 malillugu annikillilerineq, takuuk § 12, imm. 1, nr. 9 naatsorsorneqassaaq qaammammut agguaqatigiissillugu nal. akunneri 173,3-nik agguarlugu, ilinniagaqarner siutit nalinginut nalimassarlugit. Tiimimut nalinga taamaalilluni § 12, imm. 1, nr. 9 malillugit aningaasat aalajangerneqartut 173,3-mik agguarlugit naatsorsorneqassaaq.

Immikkut tapiissutit

Ineqarneq

§ 30. Ilinniarnernup aallartinneranut, unitsinneranut imaluunniit naammassinneranut atatillugu tamanna pillugu qinnuteqarnermi pissutsit immikkut illuinnartut atuutsillugit ilinniagaqartup ineqarallarnermut sap. akunneri pingasut tikillugit aningaasartuutit tamakkiisumik imaluunniit ilaannakortumik akilersissinnaavai, tassunga ilanngullugit:

- 1) angallannermi pissutsit tunngavigalugit ineqarallartariaqarpat, imaluunniit
- 2) ilinniartup nammineq inissarsiornera, imaluunniit ineqartuaannarnera imaluunniit allatut ineqarallarnernut pissutsinik ilinniartup pisuussutiginnisaanik pissuteqartumik iluatsissimangippat.

Imm. 2. Aningaasartuutit akiliussissutigineqartut ilinniarnermi taarsigassarsianngortinneqassapput, taamatullu ilinniagaqarnersiutit pillugit Inatsisartut inatsisaanni kapitali 5-imi maleruagassatut aalajangiussat naapertorlugit ernialersorlugillu utertillugit akilersorneqassallutik.

§ 31. Ilinniagaqartut Kalaallit Nunaanni ilinniarnerminni ilinniartut inaanni najugaqarfiup akiata assinganik ineqarnermut matussutissanik tamassuminnga qinnuteqartoqareerneratigut tapiiffigineqassapput,

- 1) ilinniarfimmiiqqat qaammatit arfinillit inorlugit sivisussuseqarpat,
- 2) ilinniagaqartoq ilinniartut inaanni ineqartinneqaruni imaluunniit Ilinniagaqarnersiuteqarnermut Naalakkersuisoqarfiup innersuutigisaanut inissinneqaruni, aamma
- 3) ilinniagaqartoq namminerisamik inoqutigiinnik pilersuisuuppat, najugaqarnermik uppersarsaammik aamma attartuinnermik isumaqatigiisummik akuerisamik, piginneqatigiiffimmit uppersarsaammik imaluunniit piginnittuinnermik uppersarsaammik uppersarsateqaruni.

Akiliunneqarluni angalanerit

§ 32. Ukununnga atatillugu akiliunneqarluni angalasoqarsinnaavoq:

- 1) ilinniagaqarnerup aallartinnerani, unitsinnerani, unitsinneqarallarnernani naammassinneraniluunniit, takukkit §§ 34-35,
- 2) ilinniagaqarnermik unitsitsigallarnermi, takuuk § 36,
- 3) sulingiffeqarneq, takukkit §§ 37-38,
- 4) juullimi atuangiffeqarnermi, tak. § 39,
- 5) ilinniakkamut attuumassuteqartumut ilinniarfimmi allamiinnermi il.il., takuuk § 40, imaluunniit
- 6) napparsimasoqarnerani toqusoqarneranilu, tak. § 41.

Imm. 2. Angalanermik akiliussisoqassanngilaq ilinniagaqartoq suliffimmini suliunnaarluni imaluunniit suliffissamini sulilissalluni sulisitsisup akiligassaanik angalassappat.

Imm. 3. Apparisaq akiliunneqarlutik angalasinnaanngillat, tak. § 6, kisiannili § 35, imm. 3-mi aamma § 39, imm. 3-mi 4-milu pisut taaneqartut pinnagit.

§ 33. Angallassinermut periarfissat sapinngisamik akikinnerpaat atornerqarneranni bilitsimut angalatillunilu uninngasariaqarnerni aningaasartuutitut tamakkiisumik matussutissat akiliunneqarluni angalanernut ilaapput. Bilitsinik utertinneqarsinnaanngitsunik atuinnigisoqarsimatillugu, ilinniagaqartunut 18-it sinnerlugit ukiulinnut ilinniarnermut taarsigassarsisitsisoqarsinnaavoq, tak. § 51, imm. 4, bilitsimik taartissamik pisinissamut. Ilinniarnermut taarsigassarsiat ernialersorneqarlutillu akilerneqassapput ilinniagaqarnersiutit pillugit Inatsisartut inatsisaat kapitali 5-imi maleruagassat malillugit.

Imm. 2. Aqqut alla atorlugu angalasoqarsimappat angallassisinnaanermi akikinnerpaami aningaasartuutit killigalugit matussusiisoqassaaq.

Imm. 3. Bilitsinik allannguineri aningaasartuutit matussuserneqassanngillat.

Imm. 4. Taxarnermi, timmisartoqarfiup bussiinut aamma timmisartoqarfimmut qimuttuitsunut aningaasartuutit matussuserneqarsinnaanngillat.

§ 34. Ilinniagaqarnissap aallartinneranut atatillugu aalajangersimasumik angerlarsimaffimmiit illoqarfimmut ilinniarfusussamut timmisartoqarfimmut, umiarsualivimmut imaluunniit qimuttuitsut unittarfiannut qaninnerpaamut akikinnerpaaq atorlugu angalanermut akiliussisoqassaaq, taamaattorli tak. § 33, imm. 4. Ilinniakkamik aallartitsineri imaluunniit ilinniakkamut naammassisamut pissusissamisoortumik nangitsiviusumut, Kalaallit Nunaanni aalajangersimasumik kingullertut angerlarsimaffigisap aamma illoqarfiup ilinniarfusup qaninnerpaamik timmisartoqarfata, umiarsualiviata imaluunniit qimuttuitsut unittarfiata akornanni aqqummut akiliunneqarluni angalasoqassaaq pisattanik assartuinertaqanngitsumik, naak ilinniagaqartoq illoqarfimmi ilinniarfimmini aalajangersimasumik angerlarsimaffeqaannaraluartoq, taamaattorli tak. § 33, imm. 4.

Imm. 2. Ilinniagaqarnerup naammassineranut atatillugu illoqarfimmiit ilinniagaqarfusumiit ilinniarnepup aallartinnginnerani Kalaallit Nunaanni aalajangersimasumik najugaqarfimmi kingullermi mittarfimmut, umiarsualivimmut qimutsuitsulluunniit unittarfiannut qaninnermut akiliunneqarluni angalasoqassaaq, takuulli § 33, imm. 4. Piffissap ilinniarnermik naammassiffusup kingorna kingusinnerpaamik ukioq ataaseq qaangiuttoq angalasoqassaaq.

Imm. 3. Ilinniagaqarnermik unitsitsineri unitsitsigallarnermilu, takuuk § 17, imm. 2, illoqarfimmut ilinniarfusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap aamma ilinniagaqarnerup aallartinnerani Kalaallit Nunaanni kingullermik aalajangersimasumik angerlarsimaffiup akornanni akiliunneqarluni angalasoqassaaq, taamaattorli tak. § 33, imm. 4. Ilinniagaqarnerup aallartinneranut atatillugu illoqarfimmut ilinniagaqarfimmut akiliunneqarluni angalanissaq akuerineqarsimappat. Ilinniarnepup unitsinnerata unitsikkallarnerataluunniit kingorna kingusinnerpaamik ukioq ataaseq qaangiuppat angalasoqassaaq.

Imm. 4. Ilinniartitaanerup aaqqissuussaanerata pisariaqartippagu, aammalu ilitersuisumit nikinnissaq allakkatigut akuerineqartillugu assigiinngitsuni ilinniarfinniinnerit, atuarfimiinnerit aammalu ilinniarnepup atatillugu sungiusaammik suliffiit akornanni akiliussisoqarluni angalasoqassaaq.

Imm. 5. Akiliunneqarluni angalanissamut akiliussisoqarsinnaavoq Kalaallit Nunaanni ornitamut allamut, ilinniagaqartup ornitassarinnikkaluagaanut, ornitassamut allamut aningaa-sartuutit annikinneruppata, ornitassavimmut sanilliullugu.

Imm. 6. Ilinniagaqarnerisuteqarnermut Naalakkersuisoqarfiup qinnuteqaat tunngavigalugu imm. 2 oqaaseqatigiinni siullerni, aamma imm. 3 ornitassamik orniginani Kalaallit Nunaanni sumiiffimmut allamut ingerlanissaq immikkut akuersissuteqarfigisinnaavaa, taamaasillunilu Kalaallit Nunaanni ornitassamut allamut akiliunneqarluni angalanissaq akilersinnaallugu, pissutsit immikkut ittut tamanna pissutissaqartippassuk, tamatumani aamma ilinniarnepup naammassineranut atatillugu angerlarnissami imaluunniit taamaatitsineri, uppersarnerneqarsinnaappat ilinniagaqartoq illoqarfimmi pineqartumi allami akiliunneqarluni angalaffuniartumi atorfinnissaminut isumaqatigiissuteqarsimasoq, imaluunniit ilinniagaqartup ilaqutai qaninnerit illoqarfimmut allamut pineqartumut nuussimappata.

Imm. 7. Ilinniagaqartoq Ilinniagaqarnerisuteqarnermut Naalakkersuisoqarfimmut tamanna pillugu qinnuteqareernermigut akiliunneqarluni angalanissamik akuerineqarsinnaavoq, siumut utimullu

angalanissamut, illoqarfiup Kalaallit Nunaanni Danmark-imiluunniit ilinniartuqut aammalu Kalaallit Nunaanni illoqarfiup angertarsimaffiusup akornanni, tak. § 37, imm. 2, misilitseqqinnissaq imaluunniit napparsimanermut atatillugu misilitsinnissamut atatillugu,

a) misilitseqqinnissaq imaluunniit napparsimanermut atatillugu misilitsinnissaq ingerlanneqassappat ilinniagaqartup illoqarfimmi ilinniagaqarfiusumi najuutinninnerani, taamaalu § 35-mi aalajangersakkat tunngavigalugit akiliunneqarluni angalanermik akuerineqassalluni, aamma

b) misilitseqqinnissamut imaluunniit napparsimanermut atatillugu misilitsinnissamut pisussaaffik ilinniagaqartup aatsaat paasisimappagu § 3, imm. 5 naapertorlugu akiliunneqarluni angalanissamik akuersissutip tunniunneqareerluni inniminnerneqareernerata kingorna.

Imm. 8. Piffissap qaammatinik pingasunik sivissussuillip iluani taamaallaat akiliunneqarluni angalanissamik ataatsimik imm. 7 naapertorlugu akuersissuteqartoqarsinnaavoq.

§ 35. Ilinniarnerup aallartinneranut, unitsinneranut, unitsikkallarneranut imaluunniit naammassinneranut atatillugu ilinniagaqartumut ilinniarnerup ingerlanerani angalanermik akiliussisoqartillugu meeqqanut 18-it inorlugit ukiulinnut akiliussisoqarsinnaavoq, taamaattorli takuuk imm. 5, tamatumani:

1) meeraq ilinniagaqartumi najugaqartillugu,

2) meeraq ilinniagaqartup nammineq qitornarippagu, imaluunniit ilinniagaqartup aapparisaata qitornarippagu, takuuk § 6,

3) ilinniarneq imaluunniit ilinniarfimmiiqqat minnerpaamik qaammatinik qulinik sivissussuseqarpat, aamma

4) ilaqutariinnut inissami naapertuuttumi inissiisoqarneranik meeqqamullu paaqqinniffiusinnaasumik pissarsisimanermik uppersaasoqarsinnaappat.

Imm. 2. Ilinniartitaaneq ilinniarfimmiiqqat Kalaallit Nunaata avataani, tassunga Danmarki ilanngullugu, pisoq qaammatinik qulinik sivikinneruppat meeqqat angalanermut akiliunneqarsinnaanngillat. Ilinniagaqarnerisuteqarnermut Naalakkersuisoqarfik tamanna pillugu, pissutsit immikkut ittut atuutsillugit immikkut akuersissuteqarsinnaavoq, tassunga ilanngullugu meeqqat qassinik ukioqarnera (0-6-inik ukiullit), inissaqarnikkut atugarisat aamma meeqqamik paaqqinnittoqarsinnaanerani atugarisat pisariaqartippassuk.

Imm. 3. Ilinniagaqartup aapparisaat, takuuk § 6, angalanermut akiliunneqassaaq meeqqat akiliunneqarlutik angalanissaat imm. 1 najoqqutaralugu akuerineqarsimappat.

Imm. 4. Ilinniagaqarnerup naammassinneranut, unitsinneqarneranut imaluunniit unitsikkallarnerneqarneranut atatillugu ilinniarfimmut meeqqat nassarneqartut, ilinniarnullu naammassinnerani imaluunniit unitsinnerani 18-inik ukioqalereersimasut angalanermut akiliunneqassappat.

§ 36. Ilinniangiffeqarallarnermi, tassunga ilanngullugu naartunermi ernereernermilu ilinniangiffeqarallarnermi, angalanermut akiliussisoqassaaq:

1) ilinniangiffeqarallarneq ilinniarfimmit akuerineqarsimappat,

2) ilinniangiffeqarallarneq qaammatit pingasut sinnerlugit sivissussuseqarpat,

3) ilinniangiffeqarallarnep aallartinneraniit qaammatit ataatsip iluani angalanep aallartinneqarpat, aamma

4) ilinniagarisap aallarteqqinnissaa siusinnerpaamik qaammammik ataatsimik sioqqullugu illoqarfimmut ilinniagaqarfiusumut utimut angalanep aallartinneqarpat.

§ 37. Ukiup ilinniarfusup iluani sulinngiffeqarnermut atatillugu siumut utimullu angalanermut illoqarfiup ilinniarfigisap aammalu nammineq qitornarisat Kalaallit Nunaanni aalajangersimasumik najugaasa akornanni imaluunniit ilinniagaqartup angajoqqaarisalluunniit kingullermik Kalaallit Nunaanni aalajangersimasumik najugaasa akornanni akiliunneqarluni angalasoqarsinnaavoq. Tamannali atuutinngilaq ilinniagaqarneq ukiumi pineqartumi decembarip aallaqqaataa nallertinnagu naammassineqassappat. Utimut angalanissaq kingusinnerpaamik pissaaq ilinniagaqarnerup aallartinnissaanut atatillugu.

Imm. 2. Imm. 1 naapertorlugu akiliunneqarluni angalaneg Kalaallit Nunaanni najugaqarfissamut allamut angalanertut pisinnaavoq kingullermik aalajangersimasumik najugarisamut angalanermut aningaasartuutit ornitassamut aningaasartuutissat qaangersimanngippatigit.

Imm. 3. Imm. 1 aamma 2 naapertorlugit siumut utimullu angalatitsisoqartassaaq meeqqanut 18-it inorlugit ukiulinnut ilinniagaqartumilu najugalinnut ilinniagaqartullu pilersuisussaaffigisaanut.

Imm. 4. Bilitsit angalanissaq kingusinnerpaamik sapaatit akunneri sisamat sioqqullugit inniminnerneqassapput. Kingusinnerusukkut inniminniineri aningaasartuutit annertuseriaatigisinnaasaat matussuserneqassanngillat.

§ 38. Ilinniagaqartut ilinniaqqinnissamut piareersaataasumik naammassininnerminnut, iliniarnertuunngorniarluni ilassutitut iliniarnermut imaluunniit bacheloritut iliniarnermut atatillugu Kalaallit Nunaanni aalajangersimasumik kingullertut angerlarsimaffigisamut akiliunneqarlutik angalasinnaatitaasut, tak. § 34, imm. 2, oqaaseqatigiit pingajuat, aammalu Kalaallit Nunaanni aalajangersimasumik kingullertut angerlarsimaffigisap illoqarfimmut ilinniarfusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap akornanni angalanermut akiliunneqarsinnaatitaasut iliniarnerminnik naammassisaminnut atatillugu iliniarnermik nutaamik ingerlaqqillutik sivitsuisut, tak. § 34, imm. 1, oqaaseqatigiit aappaat, angalanernik pineqartunik nuussisinnaapput § 37 malillugu siumut utimullu angalanissanngorlugu. Nuussinermik nalunaaruteqartoqassaaq siumut-utimullu angalanissaq kingusinnerpaamik qaammatit pingasut sioqqullugit.

§ 39. Ilinniagaqartumut, qitornanut najugaqatiginngisaminut angajoqqaatut oqartussaassuseqartumut, meeqqat arlaata Kalaallit Nunaanni najugaata aalajangersimasup illoqarfiullu ilinniarfigisap akornanni juullimut siumut utimullu angalatitsisoqarsinnaavoq. Tamannali atuutissanngilaq ilinniagaqartup meeraq ilinniagaqarfusumut ukiumi ilinniarfusumi tassani ilagisimappagu, imaluunniit ilinniagaqartup iliniarnini qaammatisiutit ukiuanni ukiup tulliani 1. marts nallertinnagu naammassissappagu.

Imm. 2. Meeqqat, aappaasoq pinnagu, tak. § 6, illoqarfimmut ilinniarfigisamut ilagineqarsimappata ilinniagaqartoq meeqqallu siumut utimullu angalanissamut akiliunneqassapput aappaasoq aamma meeqqat ilaannut minnerpaamik ataatsimut ilinniagaqartoq angajoqqaatut oqartussaassuseqarpat. Illoqarfiup ilinniarfigisap aammalu aappaasup aalajangersimasumik Kalaallit Nunaanni najugaata akornanni siumut utimullu angalanermut akiliussisoqassaaq.

Imm. 3. Illoqarfik ilinniarfigisap Kalaallit Nunaanniippat imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertuseriaatigisinnaasaat matussuserneqassanngillat.

Imm. 4. Illoqarfik ilinniarfigisap Kalaallit Nunaata avataaniippat, tassunga Danmarki ilanngullugu, imm. 2

malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput, ilinniagaqarnermi pissutsit immikkut ittut tassani atuuppata, tassunga ilanngullugit soraarummeernerit aamma immikkut sammisamik suliaqarneq. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertunerulersimappata matussuserneqassanngillat.

Imm. 5. Illoqarfimmi ilinniarfimmiiinneq qaammatinit qulinit sivikinneruppat imm. 1-4 malillugit angalanermut akiliussisoqarsinnaanngilaq.

Imm. 6. Bilitsit aallannginnermit kingusinnerpaamik sapaatit akunneri sisamat sioqqullugit inniminnerneqassapput. Kingusinnerusuklut inniminniisoqarneratigut aningaasartuutaanerusinnaasut matussuserneqassanngillat.

§ 40. Ilitsersuisumit inassuteqartoqareerneratigut ilinniagaqarnerisuteqarnermut Naalakkersuisoqarfik tamassuminnga qinnuteqartoqareerneratigut aalajangiisinnaavoq ilinniagaqartup angalanernut aningaasartuutigisariagaanut aammalu akunninnermut aningaasartuutigisariagaanut tamakkiisumik matussusiisoqarnissaanik, takukkit imm. 2-5 makkununga atatillugu:

- 1) ilinniagaqarnermik aaqqissuussinermi taaneqarsimasunik pinngitsoorani naammassisassanik pingaarnerusunillu naammassisassanik suliarinninnermi imaluunniit immikkut sammisaq pingaarnerusumilluunniit naammassisassamik suliarinninneq ilinniagaqarnermi pineqartumi immikkut pisinnaasaqarfulerpat,
- 2) ilinniagassanut tunngasunik suliaqarluni qaammammit ataatsimit sivisunerusumik suliamik sungiusarfimmiinnerni,
- 3) ilinniagassanut tunngasunik suliaqarluni ilinniarfimmi allamiinnermi, ilinniakkamut tunngatillugu pinngitsoorani ilinniarfimiittoqartussaappat ilinniagaqarnermullu aaqqissuussinermi taaneqarsimappat imaluunniit ilinniarfimmiiinneq ilinniagaqarnermi pineqartumi immikkut pisinnaasaqarfulerpat,
- 4) ilinniagaqalernissamut pinngitsoorani misilitsittusaaanermi, aamma
- 5) illersornissaqarfimmi tiguneqarnissamut misilitsinnermi.

Imm. 2. Kalaallit Nunaanni Kalaallilu Nunaata avataani ilinniarfimmiiinnermi aningaasartuutitut pisariaqartunut tapiissutit aalajangerneqassapput ilinniarfimmiiinnermi qaammammut aningaasartuutitut procentinngorlugit, taamaalluni ilinniarfimmiiinnermi aningaasartuutit

- 1) kr. 4000 tikillugit 100%-imik matuneqassallutik,
- 2) kr. 4000 aamma kr. 10.000 akornanniittut 75%-imik matuneqassallutik, aamma
- 3) kr. 10.000 sinnerlugit 50%-imik matuneqassallutik, annertunerpaamilli kr. 10.000.

Imm. 3. Imm. 1-imi 2-milu aningaasartuutit taaneqartut tamarmik pisariaqartutut uppersararneqarsimassapput ilitsersuisumillu siumut akuerineqarsimassallutik. Tapiissutit annertunerpaamik semesterimut ataatsimut tapiissutigineqartassapput.

Imm. 4. Angalaneq taamaaliortoqarsinnaappat ukiumoortumik ilinniagaqannginnermi angalanermut atatillugu inissinneqassaaq, takuuk § 37.

Imm. 5. Paasisassarsiorluni angalanernut paasisassarsionernullu tapiisoqarsinnaanngilaq.

§ 41. Ilinniagaqartup ilaqutaani qaniginerpaasaani napparsimaruluttoqartillugu toqusoqartilluguluunniit ilinniagaqartumut taassumalu meeraanut, ilinniagaqartumi najugaqarpata, angalanermut aningaasartuutit allanit matuneqarsimatinnagit akiliussilluni angalatitsisoqassaaq. Akiliussilluni angalatitsisoqassaaq illoqarfup ilinniarfusup qaniginerpaasallu pineqartup najugaata akornanni siumut utimullu angalanertut.

Imm. 2. Napparsimaruloornerup kingunerisaanik toqusoqartillugu, tamatumungalugu atatillugu

ilinniagaqartup akiliunneqarluni angalanissamik akuersissuteqarfigineqarfigisaani, ilinniagaqartuq Kalaallit Nunaanni ilisinissamut akiliunneqarluni angalasinnaatitaavoq, tamanna najugarisap avataani pissappat, aammalu illoqarfimmut ilinniagaqarfigisamut uteqqinnermut.

Imm. 3. Aallarnissaq sioqqullugu nakorsap nalunaarutaatigut uppersarsarneqassaaq nappaat ima peruluutaatigisoq ilaqaatasut pisarnertut aggersarneqarlutik. Toqusoqarnera toqusup toquneranik uppersarsaatitut allagartap assigisaataluunniit nuutinneranik uppersarsarneqassaaq.

Imm. 4. Ilinniagaqartuq toquppat, illoqarfimmut ilinniarfusumut atatillugu mittarfimmit, umiarsualivimmit imaluunniit qimutsuitsunut unittarfimmit, takujulli § 33, imm. 4, ilaqquttat najugaqarfiannut toqusup angallanneqarneranut tapiisoqassaaq. Akiliunneqarluni angalanissamut ilaapput toqusumik Kalaallit Nunaannut angallassinermi aningaasartuutit pisariaqartut pisortanit piumasaqaatinik tunngaveqartut tamakkerlugit.

Ilinniagaqarnermut atatillugu allamiinneq

§ 42. Ilinniagaqartup tapiiffigineqarsinnaasumik ilinniarneranut atatillugu ilinniagaareersumik nuussinermi Kalaallit Nunaata avataaniittoqarsinnaavoq, tassunga ilanngullugu Danmarkimi, tamakkiisumik ilaannakortumilluunniit tapiiffigineqarsinnaasutut Ilinniagaqarnerisuteqarnermut Naalakkersuisoqarfiup akuerisinnaavaa. Tamassuminnga qinnuteqartoqareerneratigut akuersisoqartassaaq. Ilinniagaqarnermut atatillugu allamiinnerup aallartinnginnera kingusinnerpaamik qaammat ataaseq sioqqullugu qinnuteqaat Ilinniagaqarnerisuteqarnermut Naalakkersuisoqarfimmut tunniunneqassaaq.

Imm. 2. Ilinniagaqarnerisuteqarnermut Naalakkersuisoqarfik akuersinnermut piumasaqaateqarsinnaavoq, tassunga ilanngullugu assersuutigalugu paasissutissanik nassiussinissaq aamma assersuutigalugu tamakkiisumik ilaannakortumilluunniit nammineq akiliuteqarnermi, tassunga ilanngullugu ilinniagaqarnermi akiliutinit nammineq akiliuteqarnermi.

Pisattanik assartuisarneq

§ 43. Ilinniagaqarnerup aallartinneranut, unitsinneranut imaluunniit naammassinernut atatillugu angalanermut akiliussisoqarnissaa akuersissutigineqarsimagaangat, taamaattoorli tak. § 34, imm. 1, oqaaseqatigiit aappaat, pisattanik assartuinnermut akiliussisoqarsinnaavoq.

Imm. 2. Pisattanik assartuinnermut akiliussisoqarsinnaavoq:

- 1) ilinniagaqartunut qaammatit arfinillit sinnerlugit ilinniarfimiittussanut imaluunniit sungiusaammik suliffimiittussanut, meeqqat akiliunneqarlutik angalanissaat akuersissutigineqarsimagaangat,
- 2) ilinniagaqartunut aappariinnut angalaqatigiittunut ilinniartup aappaanut, tak. § 6, ilinniarnissaq qaammatinik 20-nik sivilisunerusussatut naatsorsuutigineqarpat,
- 3) qaammatinit 20-nit sivilisunerusumik ataannartumik ilinniareerluni angerlarnermut atatillugu, imaluunniit
- 4) pisattat ornigassamut angallanneqarnerannut akiliussisoqarsimatillugu, takukkit nr. 2 aamma 3.

Imm. 3. Ilinniagaqarnermik unitsitsisoqarallartillugu, tassunga ilanngullugit ilinniagaqarnermik unitsitsigallarneq pisattanik assartuinnermut akiliussisoqarsinnaangilaq.

Imm. 4. Ilinniagaqartunut Kalaallit Nunaata Nunallu Avannarliit avataani ilinniagaqarnermi ilinniagaqarnerisuteqarnissamik akuerineqartunut pisattanik assartuinnermut akiliussisoqarsinnaangilaq.

§ 44. Usinik umiarsuarmik angallassinermut akiliussinermi pineqartut tassaapput containeri mikisoq ataaseq imaluuniit nassiussatut 5,5 m³-itut initutigisut angallanneqarnerat sillimmaserneqarnerallu ilanngullugit, nassiussat ataatsit 100.000 kr.-it tikillugit sillimmasersimasut.

Imm. 2. Pisuni immikkut ittuni umiarsuartigut angallassinisaaq ajornarallartillugu toqqortarinnikkallartitsinermut aningaasartuutit matussusiisoqarsinnaavoq.

Imm. 3. Ilinniagaqartut Kalaallit Nunaannit allamukartut Kalaallit Nunaaliartulluunniit nassatanut akiliunneqarneranni poortuinnermut puuiaanermullu aningaasaliineq ilanngunneqartarpoq.

Imm. 4. Ilinniagaqartut aappariit, tak. § 6, isortoqatigiimmik angalasussat annerpaamik containerimut mikisumut ataatsimut nassiussanulluunniit 5,5 m³-isut initutigisunut akiliunneqarsinnaapput. Aappariit tamarmik ilinniakkanik tamarmik immikkut qaammatit 20-t sinnerlugit sivirususeqartuni ilinniagaqarsimappata containerit mikisut marluk imaluunniit nassiussat katillugit 11 m³-isut initutigisut akiliunneqarsinnaapput.

Imm. 5. Ilinniagaqartut pingasunik amerlanernilluunniit meeraqartut annerpaamik containerit mikisut marluk imaluunniit nassiussanut katillugit 11 m³-isut initussuseqartunut akiliunneqarsinnaapput.

§ 45. Nassatanut akiliussisoqartillugu, taamaattoqli umiarsuartigut assartuinisaaq ajornartillugu, angalanermut akiliunneqartumut ataatsimut naammaginartumik uppersaasiinikkut ilinniarnerup aallartinnerani, unitsinnerani naammassineraniluunniit timmisartukkat nassatanut 10 kg angullugu oqimaappallaarutaasunut aningaasartuutit utertinneqarsinnaapput.

§ 46. Pisattanik assartuinnermut akiliussisoqassanngilaq ilinniagaqartoq suliffimmini sulinnaarluni imaluunniit suliffissamini sulilissalluni sulisitsisup akiligassarisaanik pigisanik angallassissappat.

Illassutitut atuarneq aamma katsorsartinermut aningaasartuutit

§ 47. Kalaallit Nunaata avataani, tassunga Danmarki ilanngullugu, atuarnernut tamakkiisumik matussusiisoqartassaaq pineqartup ilinniagaqarnerani ilinniartitsissummut tunngasumut kalaallit oqaasiinik ilinniartitsinermi immikkullu ilinniartitsinermi pisariaqartumi peqataanermut aningaasartuutitut. Immikkut atuarnissamik pisariaqartitsineq ilinniarfimmi ilitsersuisup inassuteqaataanik uppersaaserneqartassaaq.

§ 48. Kalaallit Nunaata avataani, tassunga Danmarki ilanngullugu, ilinniagaqartut nakorsamit uppersaaserneqartumik anigorsinnaanngisaminnik nappaateqaraangata nakorsamit innersuunneqartunik nakorsaatinut aningaasartuutaat matussuserneqassapput.

Imm. 2. Kalaallit Nunaata avataani, ilanngullugu Danmarkimi, ilinniagaqartut nakorsamit innersuunneqartumik katsorsarneqarnermut aningaasartuutaat matussuserneqassapput.

Imm. 3. Kalaallit Nunaata avataani ilinniagaqartut, ilanngullugu Danmarkimi, pisariaqartumik kigutitnik suliarititsisariaqaleriataarneranni aningaasartuutitut tamakkiisumik matussusiisoqartassaaq, suliaritinneq ilinniagaqarnerisuteqarnermut Naalakkersuisoqarfimmit akuerineqarpat.

Imm. 4. Imm. 1-3 malillugit taamaallaat aningaasartuutitut matussusiisoqassaaq aningaasartuutit ilaannut pisortanit oqartussaasunit allanit imaluunniit sillimasiisarnermik aqqissuussiffiusunit akilerneqanngitsunut.

Atuakkanut aningaasartuutitut tapiissutit

§ 49. Ingerlaqqiffiusumik ilinniarfinni ilinniagaqartunut ilinniagaqarnermi atuakkanik, paasisutissanik katersanik, allaatigisanit katersukkanik assigisaannillu pinngitsoorani pigisassanik pisinnermut

tapiisoqartarpoq. Ilinniagaqartup ilinniakkami sorlermi ilinniartunngortinne-qarsimanera tapiissutit annertussusaannut apeqqutaavoq. Taamaalluni tapiissutit immikkoortunut pingasunut tapiissutit akilerneqartarpoq:

- 1) atuakkanut tapiissutit qaffatat
- 2) atuakkanut tapiissutit nalinginnaasut, imaluunniit
- 3) atuakkanut tapiissutit ilanngakkat.

Imm. 2. Ilinniagaqarnerni atuakkanut, paasissutissanik katersanut, allaatigisanit katersukkanut assigisaannullu pinngitsoorani pigisassanut aningaasartuutitut immikkut qaffasissunut tapiissutit immikkut qaffanneqarnissaannik Ilinniagaqarnersiuteqarnermut Naalakkersuisoqarfik aalajangiisinaavoq.

Imm. 3. Tapiissutit semesterit immikkut tamarmik aallartinneranni akilerneqartarput, atuakkanullu tapiissutit qaffatat kr. 1100-inik annertussuseqarput, atuakkanut tapiissutit nalinginnaasut kr. 600-inik annertussuseqarput aamma atuakkanut tapiissutit ilanngakkat kr. 200-nik annertussuseqarput.

Imm. 4. Tapiissutit immikkoortut pingasut imm. 1-imi taaneqartut ilinniakkanut ataasiakkaanut inissinneqarfi aamma ilinniakkat sorliit immikkut qaffatanik tapiiffigineqassanersut tapiissutillu taakku annertussusaat Ilinniagaqarnersiuteqarnermut Naalakkersuisoqarfiup "www.sunngu.gl" -imi ukiumoortumik avammut nalunaarutigisarpai.

Bussinut ilaanermut tapiissutit

§ 50. Tamatumunnga aningaasartuutit allaniit matussuserneqarsinnaanngippata Kalaallit Nunaanni bussinut ilaanermut qaammatikkaartumik allagartamik pisinnermut ingerlaqqiffiusumik ilinniagaqartut aningaasartuutaannut tapiissuteqartoqarsinnaavoq, ilinniagaqartup najugaqarfigisaaniit ilinniagaqarfimmut aqquernit minnerpaamik 5 km-inik takissuseqarpata. Angalanermut tapiissutit, qaammatikkaartumik tunniunneqartartut aningaasartuutiviusut 400 kr.-it sinnerlugit annertussuseqartut avataaniittunut matussusiissapput, taamaattoq annerpaamik 1500 kr.-it.

Kapitali 7

Ilinniarnerni taarsigassarsiat Nunatta karsianit aningaasalersorneqartut

§ 51. Taamaallaat taarsigassarsisitsisoqarsinnaavoq ingerlaqqilluni tapiiffigineqarsinnaasuni ilinniarnerni ilinniagaqartunut kapitali 2-mi 3-milu piumasaqaatinik naammassinnissimasunut 18-inillu ukioqalereersimasunut. Ilinniagaqarnermi taarsigassarsiat ilinniartitaanerup nalaani ataasiaannartumik ukiup affakkaartumillu semesterimut taarsigassarsiatut tunniunneqartarput, taamaattoq takukkit §§ 52 aamma 53 aamma § 33, imm. 1, oqaaseqatigiit aappaat. Ataasiaannartumik taarsigassarsiat annertussusissaat ukiumoortumillu taarsigassarsiat amerlanerpaaffissaat aningaasanut inatsimmi takuneqarsinnaapput.

Imm. 2. Semesterimut taarsigassarsiat upernaami semesterimut ukiamilu semesterimut taarsigassarsiarineqartarput. Upernaami semesteri piffimmu 1. januaarimit 31. juuli tikillugu aammalu ukiami semesteri 1. aggustimit 31. decembari tikillugu naatsorsuutigineqartarput. Semesterimut taarsigassarsiat semesterip pineqartup naanerani tamakkiisumik atorneqarsimanngitsut semesterip tullianut nuunneqarsinnaapput. Ilinniagaqartup tamassuminnga qinnuteqareernikkut semesterimi taarsigassarsiat qaammatikkaartumik pisarsinnaavai.

Imm. 3. Ataasiaannartumik allanik taarsigassarsisitsisoqarqissinnaavoq pissutsit immikkut illuinnartut

pissutaatillugit ilinniakkap allamik taarserneratigut imaluunniit ilinniakkamik allamik aallartitsinermi, tamatumani ilaallutik nuunnermut ingammik aningaasartuutigisanut aammalu inissiamut nutaamut aallaqqaatitut akiliutit.

Imm. 4. Ilinniagaqarnermi taarsigassarsisoqassaaq akiitsunut allagartaliussaq Ilinniagaqarnermiuteqarnermut Naalakkersuisoqarfimmit akuerineqartoq atorlugu. Ilinniagaqarneq aallartinneqareerpat akiitsunullu allagartaq atsiorneqarnikoq Ilinniagaqarnermiuteqarnermut Naalakkersuisoqarfimmit tiguneqareerpat ilinniagaqarnermi taarsigassarsiat siusinnerpaamik tunniunneqarsinnaapput.

§ 52. Ilinniakkat 1. marts imaluunniit 1. oktober sioqqullugit naammassineqartut semesterimi pineqartumi taarsigassarsinissamut pisinnaatitaaffigineqanngillat. Naalagaaffiup ilinniagaqarnermiuteqartitsineranit ilinniagaqarnermiuteqartunut semesterimi taarsigassarsisitsisoqarsinnaanngilaq, taamaattoq § 33, imm. 1 oqaaseqatigiit aappaat naapertorlugit.

§ 53. Ilinniagaqartunut Kalaallit Nunaanni ilinniaqqinnissamut piareersartunut imaluunniit inuutissarsiutinut tunngaviusumik ilinniagaqartunut ilinniarnermi taarsigassarsisitsisoqarsinnaanngilaq, taamaattoq takuuk imm. 3 aamma 4 aamma § 33, imm. 1, oqaaseqatigiit aappaat.

Imm. 2. Ilinniagaqartunut ilinniarnermi taarsigassarsisitsisoqarsinnaanngilaq ilinniareernerup kingorna ilinniagaqarnermi akiitsugarilikkat ima amerlatigilersimassappata taarsersornissaat ajornartorsiutaalertussatut nalilerneqarlutik. Naliliinermi ilaatigut makku mianerineqassapput:

- 1) Ilinniareernermi naatsorsuutigisatut aningaasarsiat inissisimaffiannut naleqqiullugu akiitsugarisat amerlassusaat.
- 2) Ilinniagaqartup ilinniarnermi taarsigassarsiaminik naafferartumik akilersornissaasa qanoq sivistiginissaata naatsorsuutiginera.
- 3) Ilinniagaqarnermi taarsigassarsiat pillugit naafferartumik akilersuineramik aaqqissuussinermik ilinniagaqartoq siusinnerusukkut ingasattumik ilaginnaasimanersoq.

Imm. 3. Ilinniagaqarnermiuteqarnermut Naalakkersuisoqarfik imm. 1-imit immikkut akuerinnissinnaavoq pissutsit immikkut illuinnartut atuunnerini, tassunga ilanngullugu ilinniarnertuunngorniarluni ilinniarni piareersarfittut neqeroorutaasuni Ilinniagaqarnermiuteqarnermut Naalakkersuisoqarfimmit tapiissuteqarfusinnaasutut akuerisaasuni ilinniagaqartut aallarniinermi aningaasartuutit uppersarneqartut matussusernerinut.

Imm. 4. 18-ileereersimallutik Kalaallit Nunaata avataani, tassunga Danmarki ilanngullugu, ilinniagaqarnissamut piareersaataasumik imaluunniit inuussutissarsiutinut tunngaviusumik ilinniagaqartunut ataatsikkut tigusassanik taarsigassarsisitsisoqarsinnaavoq.

Kapitali 8

Allaffissorneq

§ 54. Qinnuteqarnermi immersugassaq Ilinniagaqarnermiuteqarnermut Naalakkersuisoqarfimmit akuerineqartoq atorlugu Kalaallit Nunaanni ilinniagaqarnissamut ilinniagaqarnermiuteqarnissamik qinnuteqaateqartoqassaaq. Ilinniagaqarnermiuteqarnissamut qinnuteqaatinik suliarinninnermi suleriaasissaq Ilinniagaqarnermiuteqarnermut Naalakkersuisoqarfiup aalajangissavaa, taannalu avammut saqqummiuttassallugu. Immikkut akuerineqarnissamik qinnuteqaatit Ilinniagaqarnermiuteqarnermut Naalakkersuisumut nassiunneqassapput.

Imm. 2. Ilinniagaqarnermiuteqalernissamik qinnuteqaatit qaqugukkut tunniunneqareersimanissaat

pillugit piffissaliussassat Ilinniagaqarnersiuteqarnermut Naalakkersuisoqarfiup aalajangersarsinnaavai.

Imm. 3. Majoriami ilinniagaqarnernut atatillugu ilinniagaqarnersiuteqarnissamik qinnuteqaatit kommunalbestyrelsimit aqunneqarput angusassat pillugit isumaqatigiissutit Namminersorlutik Oqartussat aamma kommunalbestyrelsip pineqartup akornanni isumaqatigiissutigineqartartut tunngavigalugit.

Imm. 4. Ilinniagaqarnersiuteqarnermut Naalakkersuisoqarfiup Majoriami ilinniartut ilinniagaqarnersiuteqarsinnaasut amerlassusissaat ukiut tamaasa aalajangersartarpai. Ukiumut tulluuttumut amerlassutsit aalajangiussat oktoobarip qaammataa naatinngu kommunalbestyrelsimut pineqartumut ukiut tamaasa nalunaarutigineqartassapput.

Imm. 5. Kommunalbestyrelsi imm. 3 malillugu qinnuteqaatit pillugit aalajangiisarpog. Ilinniagaqarnersiutit kommunalbestyrelsimit akilerneqartassapput, taakkulu akiliussigallarnerup kingorna Ilinniagaqarnersiuteqarnermut Naalakkersuisoqarfimmit matussuserneqartassapput.

Imm. 6. Kommunalbestyrelsip ilinniagaqarnersiutit pillugit aalajangiinera, takuuk imm. 5, allaffissornikkut oqartussaasumut allamut suliasanngortinneqarsinnaanngilaq.

§ 55. Ilinniagaqartoq ukiuni tamani qaammammut ataatsimut arlalinnulluunniit ilinniagaqarnersiuteqannginnissaq toqqarsinnaavaat. Ilinniagaqarnersiuteqarnissamik qinnuteqannginneq ilinniagaqarnersiuteqannginnissamik toqqaanermut sanilliunneqassaaq. Ilinniagaqartoq qaammadini qassini ilinniagaqarnersiuteqannginnissamik nalunaaruteqarani ilinniagaqarnersiuteqannginnissaq toqqarpagu, tamassuminnga nutaamik allaganngorlugu qinnuteqarnissaq ilinniagaqarnersiutit akileqqittalernissaannut piumasaqaataavoq.

Imm. 2. Ilinniagaqarnersiuteqannginnissamik allaganngorlugu qinnuteqaat qaammammi akiliiffusumi ullut 15-ianni ilinniarfimmi ilitersuisarsup tigoreersimassavaa. Ilinniagaqarnersiutit akilerneqartarnerisa aallarteqqinneqarnissaat pillugu qinnuteqaat qaammammi akiliiffusumi ullut 15-ianni ilinniarfimmi ilitersuisup tigoreersimassavaa.

Kapitali 9

Atuutilersitsinermut, ikaarsaariarnermut atorunnarsitsinermullu aalajangersakkat

§ 56. Nalunaarut ulloq 1. december 2016 atuutilerpoq. Tassunga peqatigitillugu Ilinniagaqarnersiutit pillugit Namminersornerullutik Oqartussat nalunaarutaat nr. 21, 13. december 2012-imeersoq atorunnaarsinneqarpoq.

§ 57. ilinniagaqartut 1. august 2005 sioqqullugu ingerlaqqiffusumik ilinniakkamik ilinniagaqarnersiuteqarfusumik Namminersornerullutik Oqartussani naammassillugu ilinniagaqarsimasut, qiorsinernik ilanngaavigineqassapput kingullermik ilinniakkap naammassisap piffissaliussaasumi nalinginnaasumi naammassinerata nalinganik, taamaattoq takuuk imm. 4. Ilinniagaqarneq bachelorinnngornissamut aamma kandidatinnngornissamut immikkoortoqartoq ilinniagaqarnertut ataatsit matumani isigineqassaaq. Ilinniagaqartoq Namminersornerullutik Oqartussanit ilinniagaqarnersiuteqarluni 1. august 2005-imi ingerlaqqiffusumik ilinniagaqarnermik aallartitsisimappat, ilinniakkamut naammassisamut killissarititami qiortartakkanik ilanngaavigineqassanngilaq.

Imm. 2. Ilinniagaqartut Namminersornerullutik Oqartussanit ilinniagaqarnersiuteqarlutik 1. august 2005 sioqqullugu ingerlaqqiffusumik ilinniagaqarnermik unitsitsisimasut killissarititami qiortartakkanik ilanngaavigineqassanngillat. Qaffasinnerusumik ilinniagaqartoq 1. august 2005-imi kingusinnerusukkulluunniit aallartitaanut naleqqiullugu ilinniakkami unitsissimasamini piginnaaffeqarfinnik pissarsisimappat ilinniakkap aallartinnerani piffissami tapiissuteqarfusumi

killissarititamilu qiortartakkanik ilinniakkami pineqartumi piginnaaffeqarfinnik pissarsiffiusunut qaammatinut aalajangersimasunut ilanngaasoqassaaq.

Imm. 3. Ilinniagaqartut Namminersornerullutik Oqartussanit ilinniagaqarnersiuteqarlutik 1. august 2005-imi ingerlaqqiffiusumik ilinniagaqartuusut killissarititami ilinniakkap maannakkut inissisimaffiani ilinniarfiginissaanik sivilissusiata assinganik qiortartakkanik ilanngaavigineqassapput, taamaattorli takuuk imm. 4. Ilinniagaqarneq bachelorinnngornissamut aamma kandidatinnngornissamut immikkoortoqartoq ilinniagaqarnertut ataatsitut matumani isigineqassaaq. Tamanna ilutigalugu ilinniakkami ingerlanneqartumi piffissaq ikiorsiissuteqarfusoq sivitsorneqassaaq, aningaasanik ikiorsiissuteqarfusup ilinniagaqarnerullu sivilissutsimikkut inissisimaffisa akornanni qaammatit amerlassusiisa assigiinngissutaannik qiortartagassat amerlassusilerlugit. Piffissamut sivilissusissatut inissisimaffimmut ilinniagaqarnerup maannakkut inissisimaffia siuarsimaneruppat ilinniagaqartup ilinniarnermi nalaani aningaasanik ikiorsiissutisiaqarsimanera qaammatit amerlassusiannut assingutillugit killissarititami qiortartagassat tunniunneqassapput, taamaattorli takuuk imm. 4, taamaalineranilu piffissaq ilinniagaqarnersiuteqarfusoq allannguuteqassanngilaq.

Imm. 4. Ilinniagaqartut ilinniarnermik nalaani piffissami ilinniagaqarnersiuteqarnerminni 1. august 2005 sioqqullugu meerartaarsimasut tamatuma nassatarisaanik killissarititami qiugassanik aqqaneq-marlunnik aammalu piffissami tapiissuteqarfusumi meeqqanut tamanut tunineqassapput. Tamanna taamaallaat atuutissaaq ilinniagaqartup 1. august 2005 ilanngullugu meeraq inooqatigisimappagu, aammalu tamatumunga ilinniagaqarnersiutit pillugit Namminersornerullutik Oqartussat nalunaarutaanni nr. 3, 6. februar 1998-imeersumi § 19, imm. 1 malillugu aalajangersakkat naapertorlugit ilinniagaqarnermik malinnaasimaguni. Tamatuma kingornatigut ilinniagaqartup ilinniarnini unitsippagu killissarititami ilassuteqarfimmi atugaanngitsut assiginik qiugassat ilanngaavigineqassapput.

§ 58. Ilinniagaqartunut tapiiffigineqarsinnaasunut 1. januar 2013 sioqqullugu tapiiffigineqarsinnaasumik ingerlaqqiffiusumik ilinniakkamik Danmarkimi aallartitsisimasunut, aammalu 1. januar 2013-ip kingorna sulii ilinniakkaminnik ingerlatsisunut aningaasanik ilinniarnermi tunniunneqartunik tunniussisoqarsinnaavoq, tak. § 12, danskit ilinniagaqarnersiuteqarnermut malittarisassaasit naapertorlugit qiortartakkat nungussimagunikkit. Piumasaqaatit § 13-imiittut naammassineqarsimappata ilutigisaanik meeqqanut tapisianik pisartagaqartitsisoqarsinnaavoq.

Imm. 2. Imm. 1 malillugu aningaasat tunniunneqartartut meeqqanullu tapit annerpaamik qaammatinut aqqaneq marlunnut tunniunneqarsinnaapput.

Imm. 3. Ilinniagaqartunut ilinniagaqarnersiuteqarsinnaasunut, 1. januar 2013 sioqqullugu ingerlaqqiffiusumik ilinniakkamik tapiiffigineqarsinnaasumik Danmarkimi aallartitsisimasunut, aammalu 2013-imi januarip aallaqqaataata kingorna unitsinnagu ilinniakkaminnik sulii ingerlatsisunut, ilinniakkanut siunnersortiminnut qinnuteqarnermikkut ilassutitut qiorsinernik aqqaneq marlunnik pissarsisinnaapput, § 24, imm. 1, nr. 1 aamma 2 naapertorlugit pissutaasut tunngavigalugit, imaluunniit ilinniagaqartup ilaqutaani qaninnerni nappaammik ilungersunartumik aqusaagaqartoqarsimappat toqukkulluunniit qimaguttoqarsimappat.

§ 59. Meeqqanut tapisiaqartitsisoqarsinnaavoq, tak. § 13, ilinniagaqartunut tapiiffigineqarsinnaasunut Danmarkimi najugaqartunut, 1. januar 2013-imi Naalagaaffiup ilinniagaqarnersiuteqarfianiit, Statens Uddannelsesstøtte, ilinniarnermi aningaasanik pisartagaqarlertunut, ilinniagaqartoq pilersuisutut tapisianik danskit ilinniagaqarnersiuteqarnermut malittarisassaasit naapertorlugit tapisiaqarsinnaatitaanngippat.

Imm. 2. Ilinniagaqarnersiuteqarnermut Naalakkersuisoqarfik qinnuteqartoqarnera tunngavigalugu meeqqanut tapisiaqartitsisinaavoq ilinniagaqarnersiuteqarnissamut pisinnaatitaasu-mut Danmark-imi ilinniagaqartumut, taanna 1. januar 2013-imi Naalagaaffiup ilinniagaqarnersiuteqarfianut, Statens Uddannelsesstøttemut nuuppat, ilinniagaqartorlu pilersuisutut tapisianik annikinnerisunik pissarsiassaqaartinneqarpat, tak. § 14. Meeqqanut tapisiat annertussuseqassapput pilersuisutut tapisiasat ilinniagaqartullu meeqqanut tapisiasaraluisa assigiinngissutaannik.

§ 60. Ilinniagaqartut tapiiffigineqarsinnaasut, 1. januar 2013 sioqqullugu ilinniakkamik tapiiffigineqarsinnaasumik Danmarkimi aallartitsisimasut, aammalu 1. januar 2013-ip kingorna unitsinnagu ilinniakkaminnik ingerlatsisut, Ilinniagaqarnersiuteqarnermut Naalakkersuisoqarfimmut qinnuteqarnermikkut ilassutitut ilinniagaqarnersiutinik Namminersorlutik Oqartussaniit tapiiffigineqarsinnaapput, ilinniagaqartup aningaasat ilinniarnermi tunniunneqartartunut danskit ilinniagaqarnersiuteqartitsinermut malittarisassaannut nuunnermi kingorna ajornerusumik pineqannginnissaa siunertaralugu.

Imm. 2. Ilinniagaqarnersiutit ilassutaasut, imm. 1 naapertorlugu, taamaallaat annertussuseqarsinnaapput ilinniagaqarnersiutit danskit ilinniagaqarnersiuteqarnermut malittarisassa at naapertorlugit pisinnaatitaaffigisaasa aammalu ilinniagaqarnersiutit sulit Namminersorlutik Oqartussat stipendiumitut tunniussinnaasaasa assigiinngissusiattut.

§ 61. Aalajangersakkat maannamut atuuttut malillugit qularnaveeqqusiissuteqarnermi pisussaaffiit atuuffissamik naanissaata tungaanut atuutiinnassapput piumasarisaasut allanngortinnagit.

Imm. 2. Qularnaveeqqusiissuteqarnermi pisussaaffiit 1. januar 1997 sioqqullugu akilerneqartut aalajangersakkat maannamut atuuttut malillugit ernialersorneqassapput.

Imm. 3. Qularnaveeqqusiissuteqarnermi pisussaaffiit 1. januar 1997 kingoqqullugu akilerneqartut akiliinerup kingorna ullormit aallartittumit ernialersorneqalissapput. Sukkulluunniit akiitsuusut ukiumoortumik ernialersorneqassapput pisortat sukkulluunniit diskontoata 5%-imik ilasap angeqataanik ernialersorlugit. Ernialiineq ukiut tamaasa 31. december piffissamiluunniit ilinniagaqartup akiitsunik akiliinerani pisassaaq.

Namminersorlutik Oqartussat, ulloq 25. november 2016

Doris Jakobsen

/

Mikael Kristensen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut